

古今尺牘大觀 下編十五



評註各省小學國文成績選粹

甲編	乙編	丙編	丁編
四冊	二冊	一冊	一冊
八角	五角半	一角	二角

本書徵集全國小學校之國文成績足爲模範者編輯而成。分甲、乙、丙、丁四編。評點精密異常。文體各類俱備。極爲適用。

國文自修書輯要

沈恩孚編
精裝一冊
定價一元

內容分文字、文章兩類。文字範圍。研究形體聲音學。文章範圍。選輯古今文字源流名著。以示國學門徑。誠國文自修必備之書。

上海中華書局

總店四馬路棋盤街轉角

總廠靜安寺路哈同路口

營業要目

▲出版▼

教科圖書
兒童讀物
各種新書
精印古書
雜誌字典
西文書報
碑帖書畫
屏聯條幅

▲印刷▼

鉛印石印
橡皮彩印
鋁版彩印
三色銅版
照相銅版
鋅版木版
彫刻鋼版
聚珍倣宋

▲發售▼

英美圖書
中西文具
歐美儀器
理化藥品
玩具樂器
紙張墨料
中國筆墨
簿籍箋扇

本局出版

圖書夙承海內外

教育界贊許近更努力新文

化之宣傳新教科之編纂藉副國民

之期望印刷方面有英德美各種精良器械

最新式橡皮機鋁版機尺寸之大在東方不多

有印刷精美迅速如承賜顧無任歡迎

各省分局三十

餘處代理店

千餘所

古今尺牘大觀下編

第十五冊

目錄

敘事類

況狀

清曹爾堪與沈禹錫箕陳書

清賀裳與陳生書

清黎士弘答賀子翼季子兩先生書

清湯傳楹與展成書

清計東再與宋牧仲書

清鍾淵映答李武曾書

清魏禧寄兄弟書

清高岑與羅星子書

清許友與周減齋先生書

清王士正與顏修來書

清李因篤與顏修來書

清楊名時上外舅劉南開先生書

清臧眉錫與顏修來書

清于成龍與友人論羅城事書

清胡天游報友人書

清邵齊燾答王芥子同年書

清洪亮吉與崔禮卿書

清洪亮吉與崔瘦生書

清奚岡致黃小松書

清吳慈鶴與彭甘亭書

清董基誠至青浦縣與弟方立書

清吳士模與畢莘農書

清徐熊飛答吳義池廣文書

清汪士進與周叔澂書

清汪士進與徐子陵書

清胡敬寄施陶村書

清陳文述仙女廟與姬人湘玉書

清洪符孫與陳春颿書

清宋翔鳳與臧西成書

清吳錫麒答成親王啓

清祁寯藻致同年吳仲昀督部書

清徐迪惠上贛州府汪孟棠太守書

清吳振械與吳梅梁學使書

清朱國華與許季玉書

清劉嗣綰與蔡浣霞書

清周壽昌復某君書

清王詒壽報孫子九書

清朱次琦去襄陵後答王棻友書

清魏承祝致曾侍郎書

清董兆熊與劉二丈書

清顧壽楨與朱薌孫書

清楊傳第與范少蘭書

清孫衣言致俞蔭甫書

清劉履芬寄孫琴西太守書

清熊其英致南中書

清涂景濤復劉公子思謙書

清張蔭桓與譚仲修書

清李慈銘與柯山親友書

清黎庶昌與莫芷升書

清王仁堪與袁爽秋書

清馬建忠上李伯相出洋功誣書

清王詠霓將抵橫濱寄鄒筠溪妹倩書

清金石與顧石公書

王閻運到廣州與婦書

屠寄與方子可書

古今尺牘大觀 下編

第十五冊

杭縣

鍾毓龍

纂輯

朱用賓

敘事類

況狀

清曹爾堪與沈禹錫箕陳書

漂泊覃懷。淹留匝月。高齋密邇。累夕傳觴。使遊子獲所依歸。莊舄執珪之吟。仲宣登樓之賦。可以無作。臨歧道旁祖帳。不忍言別。能無折楊柳而銷魂。贈將離而揮涕乎。十五日抵武陟。憇公館。感使君之賢。翼日渡河。屆滎澤。白茅蔽野。黃流嚙岸。回首河北之隰。桑有沃。棹深陰。風土敷腴。眷念不置。十七日至鄭州。州倅乃宗弟。以秋曹左遷者。爲之載酒東郊三里。陰氏水亭。鶯啼柳巷。鷺集蓮陂。解衣幕地。

爲○竟○日○遊○詩○云○東○有○甫○草○彷彿○見○之○十○九○日○過○中○牟○二○十○日○入○大○梁○矣○問○吹○臺○之○
廢○趾○弔○宋○寢○於○平○蕪○欷○歔○欲○泣○況○憂○患○之○餘○求○侯○生○而○不○得○不○禁○悲○憤○之○填○膺○也○
役○旋○聊○述○遊○踪○以○慰○倦○念○續○南○皮○之○良○會○未○知○在○何○日○耳○

清賀裳與陳生書

別○後○數○日○竟○舍○筏○就○陸○時○月○彩○漸○沈○星○光○欲○滴○對○殘○燈○而○盥○櫛○憑○欹○案○以○鋪○餐○盈○
漏○猶○鳴○疏○鐘○未○歇○暝○行○許○久○曙○色○始○開○霜○鋪○石○滑○候○廐○吏○以○同○驅○露○漲○津○迷○喚○漁○
郎○而○問○渡○寒○塘○寂○歷○不○聞○鷺○鷺○之○鳴○荒○埜○蕭○條○未○見○牛○羊○之○出○俄○而○炊○烟○漾○日○酒○
幟○搖○風○黍○場○雀○噪○見○鞭○影○以○驚○飛○麥○隴○雉○潛○聽○鈴○音○而○突起○頻○經○峻○坂○屢○陟○危○岡○
偶○逢○紅○樹○半○晌○停○車○忽○見○白○雲○移○時○策○馬○旣○而○征○鞍○已○倦○客○路○猶○迂○離○離○亂○影○鴉○
翻○落○照○之○中○嚶○嚶○哀○音○雁○唳○濃○雲○之○下○羨○棲○禽○之○先○止○怪○驚○騎○之○不○前○烟○籠○孤○樹○
月○中○遙○望○疑○人○風○撼○危○柯○露○下○驚○聞○似○鬼○欣○逢○邸○肆○得○解○驂○駢○沾○醪○節○旅○況○之○辛○
枕○劍○作○長○途○之○衛○追○思○在○足○下○齋○中○臥○披○畫○帳○坐○伴○爐○熏○聽○奔○澗○之○泉○聲○賞○橫○窗○

之木影何可得也。更圖聚首，勉益加餐。

清黎士弘答賀子翼季子兩先生書

兩先生道風高峻，十載山居，竟肯爲鄙人而出。弟忝竊珂鄉，無所表見，賴此一事，粉飾三年中短才拙政耳。江干惜別，甚難爲情。使來又承芳訊，開函細讀，如面故人。弟來此經歲，祇有爲老母日夕牽腸。至於山川風物，盡耳目所未經見。讀書三十年，始得親身印證，每當奇絕處，恨不得兩先生同之也。此間將吏如織，皆樸重無他腸。提臺復解文好客，園可飲酒，書肯借人。連歲豐收，雉兔賤如泥土。南來二十口，日費不滿百錢。春夏之交，高柳參天，清泉直放於衢路，芍藥接畛，連畦不異。南人種菜，高處望數百里外，雪山如琉璃，裝合日色，眩晃不能正視。七月蚤寒，已見微雪，蠅蚋絕無。當筵歌舞，殊可觀聽。不知與譜中甘州八聲有無離合。更且俗不好訟，又畏官長，盡日簽簿書，不滿半寸衙鼓一罷，便可闔門讀書。先生視此種種，吾事豈不大濟乎？八千里外，盛述侈談如此，非敢夜郎自大。冀故人不爲遊子。

記憶而已。邑中紳士幸致遠懷。他日南轅先生有問。更得悉數以對也。

清湯傳楹與展成書

日來秋色絕佳。閉門兀坐。令我神爽都盡。思與君家買一葉薄遊虎溪。看露葦催黃。煙蒲注綠。坐生公石上。遊目四曠。秋樹如沐。翠微之色。渲染襟裾。仰聽寒蟬咽。鳴老鶯殘。弄一部清商樂。不減江州司馬聽琵琶時。或可廓清愁懷。冷汰鬱緒。差勝闌闌中蒼蠅聲耳。胸中硯礪急須以西山爽氣消之。吾與君登百尺樓。把酒問青天。酒後耳熱白眼視諸卿。求田問舍碌碌黃塵如蜚螳。轉丸不覺撫掌大噱。此真舊日元龍豪舉。安能效小兒曹牛衣對泣哉。白雲在袖。期以詰朝。

清計東再與宋牧仲書

僕久在兩河間。仰面依人。無一善狀。惟八月中在鄴城。徧詢謝茂秦葬處。得之南門外二十里。見小塚頽墮。荒草中爲賦詩弔之。求其子孫不可得。因固請鄴中當事爲封土三尺餘。禁里人樵牧其上。立碣誌之。曰明詩人謝茂秦墓。此一事也。九

月杪過順德。日晡矣。僕夫望逆旅求憇甚急。忽念歸震川先生昔佐此郡。有廳記二篇。記中所稱時獨步空庭。槐花黃落。遍滿階砌。殊歡然自得。及衙內一土室。而戶西向。寒風烈日。霖雨飛霜。無地可避者。迄今不過百數十年。遺址必有可考。入城徒步徧求。莫知所在。裴回不能去。乃於郡署旁廢圃中。西向設瓣香。流涕再拜而去。道旁兒童觀者。皆大笑。以爲病狂人。卽僕夫亦匿笑不止。至逆旅。主人怪其後。幾不得眠食。此又一事也。九月浪遊。賴有此事。庶幾不虛此行。可爲知己告。度宋子亦必以計生爲可與言者也。幸爲作紀事詩相贈。佇望佇望。

清鍾淵映答李武曾書

今春足下過我。值僕委頓牀第間。氣息惓然。門者以病之亟也。弗爲通。足下不棄。貽書見誨。所以慎疾者具備。何足下愛僕者深。而急之不啻己若也。獨謂僕之病。由言語不節。與窮覽書史所致。則足下所聞者似矣。而非其本也。僕自幼羸弱。藥石與俱。終歲之間。病常六七。雖復無恙。以逮於壯。而支體侵削。腰僅逾握。僕之得。

於天者嗇矣。及未病前數月。飲食如故也。動履如故也。然每至夜分。則輾轉反側。申旦不寐。心竊憂甚。舉以問醫。漫云無害。而不知僕之病。其中者久矣。世有和扁。必當察見形色之表。僕既不遇其人。故未久而病。病而旋愈。旋發不卽治也。嗟乎。僕生平無飲食男女之欲。淡仕進之志。足下所知也。惟中有不可解者。塊然獨處。伊鬱隨之。遇一二同志與語。今昔成敗理亂之迹。賢否得失之數。彌日不倦。否則流覽載籍。以爲千百年古人之精神。皆萃於此。士不遇坐老。其中足矣。斯固性使然哉。被病以來。醫戒曰。不急謝若客。屏若書。病且不治。僕謹守其約。杜門不出。三年以內。委人事。謹起居。卽交好如足下者。歲不過一二見。僕又素不喜雜。遇異己者。往往噤不出一語。人以爲訥。旣病矣。不獲從吾。徒談笑爲樂。而顧對臧獲僕妾。較米鹽瑣屑。刺刺不休。足下謂有是乎。夫古人抱病著書。僕不幸有古人之疾。而無古人之才。居恆每自奮曰。人之所以壽者。非獨其形存而已。固有道焉。苟置其心於無用。而年躋髦耄。亦何異深山之木石。大澤之龜蛇也。不揣愚陋。思有以表

見於世而復念古人之書其卓然不可磨滅者類以神志爲主僕病且久觀書不盈帙輒眊眊然其神志半已消耗矣卽不自已亦終不能必傳如古人而且有沈痼之疾若天假之年幸而稍愈僕終將奮力斯道以無負所志今日而亟亟焉固無益也足下猶以向日之僕而疑之哉雖然僕非與足下辨也懼以不慎疾之故爲知己憂故敢白其所以惟足下裁察

清魏禧寄兄弟書

別兄歲又八月弟亦十月不相見此間並八九月不得家信未曉兄弟行止及家中人安善念兄嶺外兀兀世倣歸過期不至恐屬有何事夜來率不天明醒日晚望山門闔乃罷久又自解譬客中一身都應萬慮不關也出門無一事可說日轉窮山中辟兵所住僧屋先後十有一處然出門時非意能有事三年江閩蠡起百姓流離死轉殆百萬不盡數吾高居翠微峯目不見奔竄事何況困苦勾庭風日清佳花竹池臺左右映帶讀書遊臥兼妻妾奴婢之奉眞天上人樂又兄弟並

方嶇崎。禧獨食飲被服。緩帶躡履。恐薄福无足享受。故力疾觸暑。經營他出。聊觀時故。亦稍自勞苦。希同患之情。以消清福折災凶耳。初出家門。路頗難筍輿絕處。曾接日行九十里。趾墮脛骨。披是平生未慣也。乃後轉徙。頗有主人。今住菴老壯僧兩個。多空室宏敞。門外左右山翼抱。微似勾庭。直五六百步。翠屏橫立。杉松千萬。積翠色。日日出雲。有王生從學古文甚勤。日相問難。說奇賞處。惜兒輩不在。數年來此三月讀書爲多。亦健作文。菴在萬山中。五里先後无人家。雞鳴狗吠之聲。不至王生時家去。兩僧日黑上牀。吾傭奴鐙上放頭便睡。禧夜獨坐。至四五十刻。一燈晃晃。萬籟寂寥。高誦秦漢人文字。邃谷流泉。若相響答。時亦有虎叫鹿啼。曹子桓言年壽有時而盡。榮樂止乎其身。二者必至之常期。未若文章之無窮。禧性好文。又傷年紀摧頽。功名不立於天下。後顧子然。終不有子孫。行踐東阿所歎。墳土未乾。而身名並滅者。轉思自效。不爲倦厭。吾兄弟並以文章知名。弟家牽外事。旣席不暖。兄好閒多繙羣碎書。禧謂宜以時進業也。人一日不學問。則臆寫胸間。

宿意。交不新鮮。此非必措捨事故。剪辭綴調。用所日新得。但多讀古人書。便自沈浸變換。發生不窮。如春時花葉。本著故樹。入人眼目。輒增鮮妍。然禧亦自矢。假我六年。及七十四甲子。便當絕筆。不復作文。優游歌嘯。翠微之上。以待盡耳。此番歸後。亦絕不遠出。吾兄弟年迫五十六十。詩曰。相彼雨雪。先集維霰。死喪無日。無幾相見。禧鬚白齒豁。霰亦已甚。攬鏡自照。殊懷悽愴。近爲蕭小翮敍五十云。孟昉小翮兄弟二人。孟交游滿天下。使天下聖賢豪傑更萬輩。欲於其中擇一人焉。增之爲三。則萬萬不可得。在吾兄弟。豈復有四。此往非大不已。終當年歲。連首接膝。以怡餘年。子瞻獄中寄子由詩曰。與君今世爲兄弟。再結來生未了因。來生事有無。不可知。且勿草草放過今世也。禧山居鬱陶。輒思一暢生平。出門觀覽。壯心頓消。故一意讀書。且買石田耕耘。吳會稍足資生理。便爲杜門計。彼中在事人。頗因緣文字。遙相慙懃。特其風氣托地。泰大吾三十年。無所屈於世。安能攝衣冠。自執名紙。見人乎。寧坐困窮山。爲侈泰也。在外舊病。幸不作。傲行後。頭齒作痛。二三日。尋

愈。右臂患處時作痛。或因過抄書。比來雖多白鬚。醒坐席上。性如強蟲。好自摸捋。髀尻間頗餘肉。不似他日削起。面色較恬皙。晝夜看書足自給。或者六十常不無也。兒輩少壯。正好學問。東阿云。禽視鳥息。終於白首。此徒圈牢之養物。吾既名士。猶名爲工。爲農。農不耒耜。工不利作。器用失其業矣。前還書相誠。謂渠輩恆進銳退速。作止不常。要士於學。須如餐飯。日有常數。假說因病絕粒。病止須次飲食。未有因病廢食。則豈可因事廢學。況而牆倚壁。旋復過日。儕輩談謔。了了昏旦。甚不可也。寓中竹筍大生。甚思家。乃今更謀放船。如纔拽脚下翠微。東西所之。歸蚤晚皆難逆說。念之惘惘。兄弟順時自愛。毋以客人爲念。

清高岑與羅星子書

聞足下遊武夷歸。僕妒多於羨。僕雖未至武夷。然二十年來。時有一武夷往來。於或夢或醒間。足下遊武夷者。僕將爲遊。遊武夷者。試問足下千萬峰中。某爲崑崙。某爲五岳。外史某者。奇矯若龍門。某者秀矗如眉山。某骨俠爲黃衫客。某形

幻爲紅線姬。某者爲龍泉寶鐸。光燄可以燭霄。某者爲荆山良璞。精氣燦若白虹。或爲瑯環秘笈。或爲禹穴靈文。或者奧詰爲岫嶠碑。巉刻爲籀斯筆。或氣象高華。如瓊臺芳菲。爛熳如繡谷。某孤擎爲天龍一指。某怪誕爲古皇九頭。某如九曲夜光。玩者大費巧思。某如八陣營壘。觀者歎其奇材。某如鬼剗神鏤。龍飛獅舞。倏爾乘槎天漢。爲張騫之支機石。某飄然屏風上行。如鄴侯之鎖子骨。足下幸一一語。僕僕將爲遊遊武夷記。非必樂石。潘筆合成奇觀。而遊者不必記。記者不必遊。僕欲爲從來作遊記者。少開生面耳。

清許友與周減齋先生書

前進別不敢言別。知先生必返白門山水之間。必來追隨杖屨。故不向此中多一酸楚也。別之次日。登舟灣上。行李蕭蕭。獨處六十餘日。方抵虎林。御河水涸。八閘肅閉。所歷山川。一石一樹。一郵一鎮。沽一壺黃酒。市一筐蟹魚。無不回想。侍左右。隔燈夜話時。使人腸結鼻酸。但自起而自歇耳。抵家但餘滿面風塵。故鄉城郭已